

尚友錄

(明)廖用賢編



尚友錄卷十四

閻綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

張任鄭 若虔

校正

張任鄭 夢選

二腫

鞏

山陽宮音周
士鞏簡公之後

鞏

信

宋安豐軍人爲荆湖統老殘死身有謀招淮
士數千自隨文天祥趙永豐大兵追其後信
戰于方石嶺身中數矢傷重不能戰自投
崖石而死贈清遠軍承宣使並廟號之

鞏廷均

宋爲錢塘令嘗撰
錢塘湖山遊覽記

奉

苑見姓

奉

真

宋善醫熙寧中名聞於東都天章閣僚制許
元爲江淮發運使奏課於京師時欲入對而
其子疾亟懼欲死使奉真視之曰脾已絕不
可治死在明日元曰固然今方有事須陞對能

延數日否真曰此可爲也諸臟已衰唯肝臟獨
過脾爲肝勝其氣先絕絕則死若急瀉肝氣令
衰則脾少緩可延三日過此無術也乃投之藥
至晚遂漸蘇元喜極真曰此不足喜肝氣漸舒
耳無能爲也越三日果卒奉真之爲醫也其診
視之妙不差銖分其法傳之元覺元覺傳之法
宗及子初皆能續其術馳聲于一時

三講

項

商音遼西本姬姓齊桓
滅項子孫以國爲氏

項

橐

周春秋時人八
歲孔子師之

項

籍

秦字羽項

梁之猶子也少同梁避難吳中學劍又不成梁怒之籍曰書足以

記名姓而已

劍一人敵不足學學萬人敵於是

梁乃教籍兵

法籍身長八尺餘力能扛鼎才器

過人廣陵召

平矯令拜梁爲上柱國梁乃與籍

引兵八千渡

江自號武信君衆至數十萬後梁

被秦將章邯

所敗死籍遂將其軍楚懷王令卿

子冠軍宋義

救趙籍爲次將義至安陽留四十

六日不進籍

曰國兵新破王掃境內以屬將軍

國家安危在

此一舉今不恤士卒而徇其私非

社稷之臣也

卽帳中斬義乃引兵渡河皆沈船

破釜翫燒廬

舍持三日糧以示士卒必死遇秦

軍九戰大破

之諸侯皆怖羽由是始爲諸侯主

將軍後自立

爲西楚霸王與高帝爭衡自戲言

勝竟矣群策所屈敗於垓下與虞姬別歌曰
力拔山兮氣蓋世時不利兮驍不逝驍不逝兮
可奈何虞兮
虞兮奈若何

項仲山
漢安陵清者飲馬渭水
每投三錢郝廉亦然

項斯
唐字子遷臨海人擢進士第仕爲丹徒尉爲
人清奇雅正尤工于詩故楊敬之贈以詩云

幾度見君詩盡好及觀標格勝於詩平生不
解藏人善到處逢人說項斯斯由此名益著

項充
宋字德英龍泉人幼未知學兄洵美訓篤甚
至後與胡銓俱以春秋馳聲終父母喪兄弟
當析產充盡遜於兄以報
其教育之恩詔旌表其門

項安世

宋字平父括蒼人淳熙初進士自號平菴所著有易玩辭及兩漢表行世

項肆

宋字處約享安人登紹熙四年進士第爲江寧郡學教授遷湖口縣令政教大行吏民懷服時詔給官價買義役田其子訓欣然割已之田應詔不受官價縣令陳曄嘉歎因更其所居清溪鄉曰和義

里曰歸善云

四紙

李

隴西徵音項曾孫堯時皆繇爲理官子孫以官爲氏殷末裔孫理利貞逃難伊侯之墟食木

子變姓李十一代孫老君一居趙

郡一居隴西生廣廣之後生淵

耳

周楚之書
人生時母道遙李樹下因指樹

爲姓而名之曰耳相傳母懷之八十一歲乃

生卽白首故號爲老子字伯陽又曰聃始爲周

守藏史後遷柱下史博古通今孔子往問禮焉

老子曰良賈深藏若虛君子盛德容貌若愚孔

子退曰鳥吾知其能飛魚吾知其能游獸吾知

其能走至于龍吾不能知其乘風雲而上天也

今觀老子其猶龍乎後見周衰乃乘青牛西出

函關隱去關吏尹喜望見紫氣而知之拜求長

生之術耳乃授以所著道德經五千餘言至唐

玄宗爲註其道德經上尊號曰大聖祖高上大

道金闕玄元天皇大帝子宗生注注生宮宮之

玄孫假仕

漢文帝

李

離

周晉文公之理也過聽殺人自請死文公曰
失在下吏非子之罪離曰臣居官爲長受祿
爲多今以罪下吏非
所聞也伏劍而死

李

悝

周爲魏文侯上地之守而欲人之善射也乃
下令曰人之有狐疑之訟者令之射的中者
勝不勝者負令下而人皆疾
習射及與秦人戰大敗之

李

牧

周趙之北邊良將也當居代鴈門備匈奴以
便宜置吏市租皆輸入幕府爲士卒費日擊
數牛享士習騎射謹烽火多間諜厚遇戰士爲
約曰匈奴卽入盜急入收保有敢捕虜者斬匈
奴每入烽火謹輒入收保不敢戰如是數歲亦
不亡失匈奴以爲怯趙王怒使他人代牧歲餘

李

匈奴不出戰輒不利復請牧牧杜門不出趙王強之牧曰王欲用臣臣如前乃敢奉令王許之牧至一如舊約束士日得賞賜而不用皆願一戰於是與匈奴戰張左右翼擊大破之匈奴十餘年不敢犯趙邊又大破秦軍以功封武安君秦患之多與趙媿臣郭開金使言牧欲反趙王使趙蔥顏聚代之牧不受命王殺之秦遂使王翦領兵伐趙大破之竟邯鄲虜趙王遷

李

冰

秦仕爲蜀郡守鑿離堆以溉諸郡沃野千里而無水患魏爲陸海蜀人德之

李左車

漢行唐人初仕趙擊趙左車說陳餘曰韓信張耳乘勝遠鬪其鋒不可當臣聞千里饋糧士有饑色樵蕪後爨師不宿飽今井陘之追車不得方軌騎不得成

列糧食必在其後願足下假臣奇兵三萬人從
間路絕其輜重足下深溝高壘勿與戰不十日
兩將之頭可致麾下陳餘自稱義兵不用詐謀
奇計遂被信用背本陣斬陳餘擒趙王信募生
得左車者予千金有縛致麾下者信解其縛東
鄉坐師事之問其攻燕伐齊之策左車曰亡國
之大夫不可以圖存敗軍之將不可以語勇信
曰向使陳餘聽子之計僕亦成禽矣卒用其策
下燕齊

諸城

李

廣

漢隴西成紀人其先李信秦時爲將廣世以
能射知名嘗夜山行以石爲虎關弓射之沒

箭臥羽文帝時以擊匈奴有功封散騎常侍數
從獵格殺猛獸歷上谷西北地馬門雲中太

守文帝曰惜廣不逢時當高帝時取萬戶侯何
難哉武帝時爲北平太守匈奴畏之號曰飛將
軍避之數歲不敢入右北平大小與匈奴七十
餘戰皆捷廣行無部伍行陳就善水艸舍止
人人自便不擊刀斗自衛士卒得其便皆樂爲
用子三人曰當戶曰叔曰敢孫曰陵敢以校
尉從征奪匈奴左賢王旗鼓斬首最多賜爵關
內侯怨衛青殺其父擊傷青青匿諱之後敢從
上獵甘泉青賜霍去病亦從帝獵惡敢傷青遂
射殺之陵武帝時爲侍中善騎射愛人下士
帝以爲有廣之風拜騎都尉使擊匈奴陵請曰
臣所將屯邊者皆荆楚勇士願自當一隊以少
擊衆上壯而許之於是將步騎五千與匈奴相
遇於浚稽山殺匈奴數千人單于懼欲引去會

陵軍侯管敢亡降匈奴具言陵軍無後援矢且盡單于大喜引兵遮道而進四面矢如雨下陵曰臣無面目以報陛下矣乃降事聞上怒司馬遷曰陵事親孝與士之急是素所蓄積也有國士之風且陵提步卒不滿五千深蹂戎馬之地却數萬之師雖古名將不過也身雖陷敗然其所摧敗亦足暴於天下彼不死宜欲得當以報國也上不聽竟族之

李少君

漢字雲翼入泰山樓散一七與之服

採藥病困遇安期生以神而愈上言於漢武曰臣能

凝雪成白銀化丹砂

成黃金控飛龍而入遐徧

乘白鶴而九垓同冥

山之棗如瓜鍾山之李如

甌臣皆得而食之遂

生

奇光七信而尊禮之

李

根

漢許昌人有趙買者聞其父祖言已見根比買車根年已八十四而根年少自若有得根

素書讀之其自記云以漢元封學

道于某氏計之已七百餘歲矣

李

弘

漢字仲元居成都里中化之廉讓成風嘗被召爲令邑人共餞之酣飲月餘不去刺史趣

駕曰元無心就行也遂遁去楊

雄曰不夷不惠居可否之間

李

業

漢字巨游梓潼人少勵志操舉明經值王莽居攝乃匿名山谷中公遜述素聞其名徵爲

博士述羞不能致使尹融奉詔劫之若起則授公侯之位不起賜以藥酒融宣旨曰朝廷貪慕名德曠官缺位宜上奉知己下爲子孫身名俱全不亦優乎業歎曰古人危邦不入亂邦不居

爲此故也君子見危授命乃誘以高位重餌平融曰宜呼家室計之業曰大丈夫斷之於心久矣何妻子之爲遂飲毒而死述耻殺名士以贖錢百萬吊其家子輦逃去不受光武立表其閭

李

忠

漢字仲都黃人仕爲郎以好學脩整稱更始時與任延同奉光武累以戰功封中水侯平

龐萌遷

丹陽太守雲臺

二十八

將忠其一也

李

通

漢宛平人父守好星曆識記通知漢當復興乃遣弟軼迎元武相議起兵光武卽位徵爲

衛尉封

固始侯進大司空卒諡恭毅通性謙恭

常欲避

權勢故能以功名終明帝時圖形雲臺

李

善

漢字次孫涑陽人本同縣李元蒼頭元家俱疫死

孤兒續始生數旬而賞賻千萬諸奴

欲謀入續分其財善潛負續逃亡及長爲理舊業告奴婢于官悉殺之光武聞其行詔拜善及續並爲太子舍人還舊里脫冠解帶掃元墓脩祭泣數日乃去後遷日南太守續至河南相

李

躬

漢年耆學明永平中拜爲三老安車輶輪供綏執綏以二千石祿養終身

李

邵

漢字孟節南鄭人知天文通五經和帝遣二使者觀風俗向益州宿候舍邵時爲候吏因

問曰君來時寧知二使何時發二人驚問何以知之邵曰有二使星臨益部故知之耳

竇憲

妻天下官皆通禮慶邵時爲吏守遣往賀邵

曰竇將軍恃寵驕縱危可立待幸勿與交守

不聽邵乃請行道次故爲遲留至扶風而憲已敗凡交通門下者悉免官惟漢中守不與邵之